
Saksnr: 2021/1109-2
Saksbehandlar Even Vaular
Dato: 14.01.2021

Til: Trafikktryggingutvalet
Hovudutval for samferdsel og mobilitet

Frå: Fylkesdirektør for infrastruktur og veg

Ny samarbeidsavtale mellom Trygg Trafikk og Vestland fylkeskommune signert.

Trygg Trafikk v/ direktør Jan Johansen og Vestland fylkeskommune v/ fylkesdirektør for infrastruktur og veg Dina Lefdal, signerte 8. desember 2020 ny samarbeidsavtale for dei to organisasjonane. Samarbeidsavtalen vidarefører forplikingane som låg i samarbeidsavtalene dei to gamle fylka hadde med Trygg Trafikk. I dei gamle samarbeidsavtalene var også Statens vegvesen part. Førrebeles er ikkje Statens vegvesen part i den nye samarbeidsavtalen.

Samarbeidsavtalen stadfestar det tette og viktige partnarskapet me har med Trygg Trafikk i trafikktryggingarbeidet. Trygg Trafikk skal jobba med satsingar og tiltak forankra i det fylkeskommunale planverket, i tillegg til tiltak ut frå eiga rolle og planar. Dei er tett kopla på arbeidet i trafikktryggingutvalet.

Organisasjonen har ei rolle som pådrivar for betre trafikktryggleik for alle trafikantgrupper, og som bindeledd mellom offentlege mynde og frivillige aktørar i trafikktryggingarbeidet, både på nasjonalt og regionalt nivå. Organisasjonen har også eit særskilt ansvar for trafikkopplæring for barn og unge.

Fylkeskommunen er etter samarbeidsavtalen forplikta å bidra med aktivitetsmidlar (midlar til tiltak) og driftsmidlar, som skal dekkja kostnader ved kontorlokale og reise- og administrasjonsbudsjett. Dette vert finansiert over FTU-midlane. Trygg Trafikk har arbeidsgjevaransvar og dekkjer lønskostnadane. I Vestland fylke har dei to faste tilsette (regionleiar og rådgjevar/seniorrådgjevar) som er tilbydt kontorplass i Bergen og på Leikanger. Dei har tilgang til fylkeskommunen sine fasilitetar som tilsette i fylkeskommunen elles.

Vedlegg

- 1 Samarbeidsavtale mellom Vestland fylkeskommune og Trygg Trafikk 2020 - signert